

dientes, ac delinquentes, & criminosos quoscumque, quavis auctoritate, & dignitate fungentes, & quocumque privilegio, vel immunitate suffultos, excommunicationis, ac privationis etiam Dignitatum, aliorumque Beneficiorum Ecclesiasticorum, & Officiorum, aliisque sententiis, censuris, & poenis Ecclesiasticis eo ipso, absque alia declaratione incurrendis, etiam per viam incarcerationis, & aliis tibi benefiis opportunis juris, & facti remediis, procedas.

Derogat contrariis.

§. 3. Non obstantibus, cujusvis litis pendencia inter te, & dictum Archidiaconum majorem super Jurisdictione Archidiaconali, etiam in Sacro Rotae Auditorio nostro, ac tibi exinde factis, & faciendis quibusvis inhibitionibus, nec non statutis, & consuetudinibus, etiam eisdem Decano, Archidiacono, Capitulo, & Canonicis, necnon Monasteriis, illorumque Abbatibus, & Conventibus, & aliis personis quibuscumque, sub quibusvis tenoribus, & formis, ac etiam irritantibus, & aliis derogatoriis derogatoriis, aliisque efficacioribus, & insolitis clausulis, & decretis, etiam per quoscumque Romanos Pontifices Praedecessores nostros in contrarium praemissorum quomodocumque concessis, confirmatis, approbatis, & innovatis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, ac de verbo ad verbum, expressa mentio habenda esset, tenores hujusmodi, praesentibus pro expressis habentes, hac vice dumtaxat, specialiter, & expresse derogamus, ceterisque contrariis quibuscumque.

Dat. die 8. Julii 1593. An. II.

Datum Romae apud S. Marcum sub anno Piscatoris die 8. Julii 1593., Pontificatus nostri Anno II.

Sequitur Adhortatio ad Capitulum, & Canonicos Tullenses, ut juxta Concilii Tridentini Decreta Episcopo suo pareant.

Dilectis Filiis Decano, ac Majori, & aliis Archidiaconis, nec non Capitulo, & Canonicis Ecclesiae Tullensis.

CLEMENS PAPA VIII.

Dilecti Filii salutem, & Apostolicam benedictionem.

CUM nuper, non sine animi nostri molestia diversos isthic a vobis abusus, quibus cum fidelis Populi scandalo, & Animarum vestrarum pernicie, divinum obsequium diminuitur, & Episcopalis iustitiae, & Ordo Ecclesiasticus irreverenter perturbatur, & confunditur, contra Decretorum Sacri Tridentini Concilii dispositionem, perperam retineri intellexerimus, ad illos prorsus tollendos, pro nostri pastoralis officii debito, cogitationes nostras direximus: vestra siquidem dignitati, & pietati convenire existimamus, ut Antistiti vestro, cujus capitis membra in Christo estis, unanimitate adherentes, in divinis obsequiis pra-

standis, ac Episcopalis functionibus juxta ipsius Concilii Decreta, reverenter, ut par est, assistatis eidem in prospero dictae Ecclesiae statu dirigendo humiliter intendentes, ac obedientiam, & reverentiam debitas exhibentes, ejus salubria monita, & mandata suscipiatis, humiliterque, & efficaciter adimplere curetis. Proinde, cum eidem Antistiti injunxerimus, ut Decreta Concilii Tridentini praedicta in eadem Ecclesia, & Civitate, & Dioecesi Tullensi in omnibus, & per omnia servari curet, & faciat, visitet, abususque, consuetudines, ac statuta eisdem Decretis contraria prorsus abroget, & annulet, vobis quoque per presentes in virtute sanctae Obedientiae precipimus, ut iis, quae ab ipso Tridentino Concilio decreta sunt, omnino pareatis, ac salutaribus ejus Decretis prompte Vos ac commodetis: quod vos pro vestra in Nos, & Apostolicam Sedem reverentia, ac qua vestrum Pastorem prosequi tenemini, observantia, facturos plane confidimus. Alioquin Vos scire volumus, eidem Antistiti, ut contra inobedientes, sententiis, censuris, & poenis Ecclesiasticis, aliisque juris remediis procedat, commissum, & facultatem concessam a Nobis fuisse.

Datum Romae apud S. Marcum sub Anno Piscatoris die 9. Julii 1593. Pontificatus nostri Anno II.

Dat. die 9 Julii 1593 An. II.

LXV.

Confirmatis Literis Gregorii XIII. Revocatoque quodam Brevi Sixti PP. V. Regis Catholici facultas conceditur causis omnibus inter Episcopos, & Capitula, ac Milites Militiarum de Alcanthara, & de Calatrava, vertentes componendi.

Ex Regest. in Secr. Brevis.

CLEMENS PAPA VIII.

Ad futuram rei memoriam.

DECET Romanum Pontificem super Dominici Gregis causas constitutum omni studio curare, ut inter egregias praesertim ecclesiasticas, & militares personas, a quarum quiete Regorum etiam tranquillitas oriri consuevit, controversiae, & dissensiones omnes e medio quam brevissime tollantur, & quae amicabili compositione posse transigi videntur, nullatenus in contentione judicariae angustias, & dissidias, si fieri potest, pertrahantur.

Procuramus.

§. 1. Itaque, cum, sicut accepimus, fel. rec. Gregorius XIII. Praedecessor noster, rec. mem. Clementis VII., Pauli III., & Pii IV. etiam Praedecessorum vestigiis inherendo (qui similes provisiones, quoad Priores, & Fratres, ac alias personas Militiae S. Jacobi de Spatha, Ordinis S. Augustini antea fecerant) omnes lites, ac quaestiones, & differentias in Romana Curia, & extra eam, coram diversis Judicibus ordinariis, & Delegatis, in quavis instantia pendentes, & quae etiam moveri possent in futurum inter To-

Grego. XIII. Causas omnes inter Milites de Alcanthara, & de Calatrava, atque Episcopos, & Capitula Hispaniarum vertentes ad se advocant.

letanum, Hispalensem, Granatensem, Compostellanum, Valentinum, ac Burgensem Archiepiscopos, nec non Cordubensem, Conchensem, Cauriensem, Abulensem, Pacensem, Gadicensem, Oxomensem, Carthaginensem, Giennensem, Malacitanum, Civitatem, Salamantinum, Zamoremsem, Seguntinum, & Pampilonensem Episcopos, eorumque Capitula, nec non Praelatos, ac quascumque alias personas ecclesiasticas, tam seculares, quam regulares in Hispaniarum Regnis consistentes ex una, ac Priores, Praeceptores, Milites, & alios Fratres Militiarum de Calatrava, & Alcanthara, Cisterciens. Ordinis, eorumque Conventus, & loca, partibus ex altera, tam super Decimarum personalium, praedialium, ac mixtarum, nec non Novalium, pecudum, & armentorum solutione, quam etiam super Jurisdictione, seu presentandi personas idoneas dictae Militiae ad Vicarias, Praeceptorias, & alia Beneficia ecclesiastica ejusdem Militiae, illaque administrandi, regendi, gubernandi, rebusque aliis in actibus causarum hujusmodi latius deductis ad se avocaverit, illaque earumque decisionem, & determinationem ad suum, & Sedis Apostolicae beneplacitum, ita tamen, quod interim partes ipsae in possessione, in qua existebant, manentur, & defendi deberent, nihilque innovari posset, suspenderit, easque universas, & singulas Charissimo in Christo filio Philippo Hispaniarum Regi Catholico per ipsum concordandas, & componendas commiserit, ita quod, dicto beneplacito durante, idem Rex Catholicus in illis pro Concordia, & amicabili compositione, se interponere, agere, & procedere libere, & licite valeret, plenariam, & liberam licentiam, facultatem, & auctoritatem concesserit, discernendo partes ipsas ad observandum ea omnia, quae in praemissis per eundem Regem concordata, amicabiliter composita, & terminata fuissent, omnino teneri, & efficaciter obligatas existere, nec ab illis ullo unquam tempore rescindi posse, prout in ipsius Gregorii Literis in forma Brevis, sub Datum die 20. Octobris 1584. expeditis, plenius continetur.

Philippo Regi componendas commisit.

Sixtus vero V. ab hac lege exempti Causas vertentes inter Episcopum Cauriensem, & dd. Milites

eorum, ut prius, jura sua, & Ecclesiae iustitia mediante, contra dictas Militias, & earum personas, ac quamlibet illarum prosequi in Judicio, & extra, libere, & licite valerent in omnibus, & per omnia, perinde ac si dictae Literae Gregorii, quoad ipsos, numquam emanassent. Sicque per quoscumque Judices ordinarios, & Delegatos, etiam dictae Rotae Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, irritum quoque, & inane decernens, quidquid secus super his contigerit attentari, & alias, prout latius in praedictis Literis continetur.

Quod tamen cum perturbatio una causa esse possit.

§. 2. Cum autem, sicut pro parte dicti Regis Catholici nobis expositum fuit, valde quieti, paci, & tranquillitati dictarum Militiarum, & Ecclesiarum, ac totius etiam Regni conveniat, ut controversiae, lites, quaestiones, & differentiae hujusmodi inter dictum Episcopum, & Capitulum, ac Ecclesias dictae Civitatis, & Dioecesis Cauriensem, & Priores, Praeceptores, & Milites dictarum Militiarum, absque strepitu, & figura iudicii, extrajudicialiter, & amicabiliter possint, quam cum maximis dispendiis, protelationibus, & omnium incommodis cognoscantur, valde expediat, ne praedicti Milites, qui dicti Regni personae egregiae, ac principes existunt, & quos pro Regis servitio expeditos esse convenit, immemorabilibus litibus, & dissensionibus, cum omnibus fere ecclesiasticis personis, & Praelatis dicti Regni implicentur, quos etiam pro pacis conservatione, & Regni quiete a Fori tumultu remotos esse par est, neque praeterea ferendum videatur, ut Episcopus, & Capitulum praedictum praebant suo exemplo aliis omnibus Archiepiscopis, Episcopis, & Praelatis, ac personis ecclesiasticis in dictis Literis comprehensis occasionem similes revocationes dictarum Literarum Gregorii impetrandi in maximum scandalum Populorum, & Militiarum detrimentum, cum praesertim facilius, & brevius hujusmodi omnes controversiae, cum partium ipsarum commoditate a Rege ipso, qui omnibus aequalitate iustitiam ministrare paratus est, seu ab ejus Deputatis, qui jam de hujusmodi praetensionibus pleniores habent, seu facilius habere possunt cognitionem, & informationem, concordari, & sopiri possint.

§. 4. Nos supplicationibus dicti Catholici Regis inclinati, Literas Gregorii praedictas, cum omnibus in eis contentis, ac inde sequentibus, adversus dictas Sixti Literas, quarum tenores hic pro sufficienter expressis, & de verbo ad verbum insertis haberi volumus, confirmantes, ac reintegrantes in omnibus, & per omnia, perinde ac si per dictas Sixti Literas numquam relaxatae, revocatae, & annullatae fuissent, neque dictae Sixti Literae emanassent. Ac insuper lites, & causas Caurienses in Rota quomodolibet pendentes inter Episcopum, & Capitulum, & eorum quemlibet ex una, & Milites de Alcanthara, Archipresbyteros, omnesque alios coram quibuscumque Judicibus, etiam in Rota pen-

Clemens revoat Grego. XIII. literas, & Sixti Decretum irritat.

pendentes, harum ferie ad Nos avocantes, eidem Regi Catholico. ut dictas Literas Sixti, & aliis judiciariis actibus, in causis hujusmodi, minime obstantibus, causas, & controversias hujusmodi per se, vel alium, seu alios ab eo deputatos, pro sua prudentia, & circumspicione, concordare, componere, ac amicabiliter terminare, & finire possit, & debeat, intra biennium tamen a data presentium computandum, per presentes plenam, & liberam facultatem, & auctoritatem, ac Jurisdictionem concedimus, & impertimur.

Sed si lites intra biennium non componantur, & lites servari jubet.

Quidquid vero inter partes fuerit concordatum, ratum habet.

§. 5. Quod si intra biennium, ut praefertur, causa, & controversia praedicta concordata non fuerint, dictae Sixti V. Literae primas vires assument, & in robore suo remaneant.

§. 6. Decernentes, quidquid per Regem ipsum, seu ab eo deputandos in praemissis inter omnes supradictas partes, & Personas amicabiliter concordatum, terminatum, stabilitum, & pro sua prudentia compositum, & ordinatum fuerit, validum, ac efficax existere, ab ipsisque partibus efficaciter observari, ac retineri debere, neque ab illis ullo unquam tempore sub quovis praetextu, & causa resisti posse, partibusque ipsi perpetuum silentium imponi debere, prout, tenore praesentium, imponimus. Si quas vero ex praedictis causis, post Literas Gregorii, ac etiam Sixti praedictas, idem Rex Catholicus concordaverit, & composuerit, ut supra, eam vim volumus eas concordias obtinere, quam obtinerent, si post datam praesentium per ipsum concordata, & composita fuissent.

Et ita in quolibet Tribunali iudicandis statu.

§. 7. Sicque per quoscumque Iudices ordinarios, & Delegates, etiam causarum dicti Palatii Auditores, & S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, in praemissis omnibus, & singulis iudicari debere, irritum quoque, & inane quid quid secus super his a quoquam quavis auctoritate, scienter, vel ignoranter contigerit attentari.

Contraria tollit.

§. 8. Non obstantibus praemissis, & Constitutionibus, & ordinationibus Apostolicis, nec non dictarum Militiarum, & Ecclesiarum Statutis, & Constitutionibus, confirmatione Apostolica, aut quavis firmitate alia roboratis privilegiis quoque, Indultis, ac Literis Apostolicis in contrarium quomodolibet concessis, & innovatis, ac omnibus illis, quae Praedecessores praedicti voluerunt non obstare, ceterisque contrariis quibuscumque.

Dat. die 9. Julii 1593. An. II.

Datum Romae apud S. Marcum sub Anulo Piscatoris die 9. Julii 1593. Pont. Nostro Anno secundo.

Oppidum Celsone ab Urgelleni Diocesi jungitur, & in Civitatem erigitur, illiusque Parochialis Ecclesia Cathedralis efficitur.

Ex Regest. in Concl. Apost.

CLEMENS EPISCOPUS

SERVUS SERVORUM DEI

Ad perpetuam rei memoriam.

Super Universas Orbis Ecclesias eo disponente, qui cunctis imperat, & cui omnia obediunt, quamquam sine nostris meritis constituti, levamus in circuitu Agri Domini oculis nostrae mentis more pervigilis Pastoris inspecturi, quid Provinciarum, & Locorum quorumlibet statui congruat, ac desuper hoc praesertim tempore, quo humani Generis hostis omni conatu ad ipsarum Animarum perniciem, & fidei Catholicae eversionem incumbit, disponi debeat: unde divino fulti praesidio dignum quin potius debitum arbitramur in irriguo Militantis Ecclesiae Agro novas Episcopales Sedes, & Ecclesias plantare, praecipue dum Catholicorum Regum vota id espescunt, ut per hujusmodi novas plantationes popularis augetur devotio, divinus cultus floreat, & animarum salus subsequatur, loca insignia praesertim, quorum Incolae benedicente Domino multiplicati noscuntur, dignioribus titulis, & condignis favoribus illustrentur, ipsique Incolae honoratorum Praesulum assistentia, regimine, & doctrina suffulti in via Domini magis magisque perficiant.

Exordium.

Causae hujusmodi erectionis faciende

§. 1. Sane cum charissimus in Christo filius noster Philippus Hispaniarum Rex Catholicus, qui pro sua singulari pietate, maximoque Catholicae fidei zelo nihil magis in suis Regnis, & Dominiis, quam ipsius fidei exaltationem, & divini cultus augmentum exoptare videtur, ac ut pium, & Catholicum Regem decet, non minus de salute animarum populorum sibi subsectorum, quam de praefatorum Regnorum, & Dominiorum conservatione est sollicitus, idque facile consequi posse cogitans ex novarum Ecclesiarum Cathedralium erectione, praesertim ubi Dioeceses ob nimiam earum latitudinem, nedum quotannis, sed ne toto quidem biennio a propriis Episcopis visitari possunt, prout in Dioecesi Urgellen., quae est in Principatu Cathaloniae, evenire jam diu re ipsa compertum est, Nobis significari fecisset, quod Dioecesis Urgellen., quae habet ad ejus fines plura loca Regni Galliae haeresi infecta, ob illius amplitudinem, locorumque, & Parochialium Ecclesiarum frequentiam, & periculum, animabus imminens propter haereticorum vicinitatem non potest a proprio Episcopo commode visitari, ipseque solus Episcopus omnibus suorum Dioecesanorum necessitatibus, prout convenit, supplere non valet, ex quo maximum eorum animarum detrimen-

tum patiuntur; Si Oppidum de Celsone, quod intra fines ipsius Dioecesis Urgellen., sub saluberrimo aere situm, & altis muris cinctum existit, & a Civitate Urgellen. miliaribus circa quinquaginta distat, ac domos circiter sexcentas, & praeter ejus admodum insignem, & elegantis structurae Parochialem Ecclesiam sub Invocatione Beatae Mariae Virginis, cum commodo, & amplo Palatio illi contiguo, ac Domum Ordinis Fratrum Minorum Capuccinorum nuncupatorum, & Hospitale, Confraternitatesque Laicorum, nec non Incolas nobiles, Terrarum duos Equites, Legum, & Artium, ac Medicinae Doctores, Cives, Mercatores, & Artifices omnis generis, ac Territorium admodum amplum, fertile, & amatum omnibus ad illius Incolarum vitae sustentationem necessariis satis referatum, in Civitatem, illiusque Ecclesia praefata, cujus Sacrarium paramentis, & aliis ad cultum divinum necessariis decenter ornatum existit, in Cathedralium Ecclesiam erigerentur, & instituerentur, inde praefecto Clero, & Populi salus cum Ecclesiae, & Oppidi praefatorum decore longe magis proveniret.

Diviso, & Erectio, de qua in rubr.

§. 2. Nos, qui dudum inter alia volumus, quod petentes Beneficia Ecclesiastica aliis uniri, tenerentur exprimere verum annuum valorem etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, praemissis, ac aliis rationabilibus causis in Congregatione Cardinalium super rebus consistorialibus deputatorum, cui negotium hujusmodi examinandum commissimus, mature discussis adducti, ac etiam ipsius Philippi Regis precibus inclinati, habita super hoc cum Venerabilibus Fratribus nostris S. R. E. Cardinalibus matura deliberatione, de illorum consilio, & assensu, ac de Apostolicae potestatis plenitudine, ab Ecclesia Urgellen. ejusque Mensa Episcopali dictum Oppidum, cum suis Villis, Terris, & Terminis, totoque Territorio, nec non Ecclesiis, Hospitalibus, Confraternitatibus, & Piiis Locis, ceterisque omnibus Beneficiis Ecclesiasticis cum cura, & sine cura Secularibus, ac quorumvis Ordinum Regularibus, ac etiam Clero, & Populo universo, Juribus quoque, & actionibus Episcopo Urgellen. pro tempore existentibus competentibus, Apostolica auctoritate, tenore praesentium perpetuo dividimus, & separamus, ac ab omni ipsius Ecclesiae Urgellen. Jurisdictione, potestate, & subjectione, etiam perpetuo eximimus, & liberamus.

Ecclesia Celsone, suffraganea Archiepiscopo Tarraconen. cum jure Ordinario, privilegiis &c.

§. 3. Insuper Oppidum in Civitatem Celsonen. nuncupandum, & Ecclesiam Beatae Mariae Virginis hujusmodi in Cathedralium Ecclesiam sub Invocatione ejusdem Gloriosissimae Virginis Mariae Archiepiscopi Tarraconen. suffraganeam futuram, ac in ea dignitate Sedem, & Mensam Episcopalem, cum omnibus privilegiis, honoribus, Juribus, & insignibus, debitis, & consuetis pro uno Episcopo Celsonen. nuncu-

pando, qui eidem Ecclesiae praesit, illamque ad Ecclesiae Cathedralis formam redigat, ac Jurisdictionalem Episcopalem, nec non praefatorum sic divisorum beneficiorum omnium dispositionem ordinario Jure, aliaque omnia, quae ad munus Episcopale pertinent, habeat, & exerceat, praefatoque Archiepiscopo Jure Metropolitico subdito.

Formatio Capituli cum quatuor Dignitatibus.

§. 4. Ac in eadem Ecclesia Celsonen. unum Decanatum post Pontificalem majorem, & unum Archidiaconatum, & unam Cantoriam, & unam Thesaurariam inferioris dignitates, nec non duodecim Canonicatus, & duodecim praebendas pro uno Decano, uno Archidiacono, ac uno Cantore, & uno Thesaurario, ac duodecim Canonicis, qui insimul Capitulum faciant, etiam cum mensa capitulari, arca, sigillo, & aliis capitularibus insigniis eidem auctoritate, & tenore similiter perpetuo erigimus, & instituiamus.

Dioecesis terminus per Commissionarios constituitur.

§. 5. Ac ipsi Ecclesiae sic in Cathedralium erectae Civitatem Celsonen., ejusque Incolas, & habitatores pro Civitate, & Civibus, nec non Villas, Terras, & Terminos, totumque Territorium ipsum Celsonen., ac praeterea plura alia Oppida, Terras, Castra, Loca, & Territoria ab eadem Urgellen. Dioecesi, & nonnulla alia loca a Dioecesi Vicen. ipsi Dioecesi Celsonen. commodiora per Commissarios ad id per Nos deputandos dismembranda, & assignanda pro ejus Dioecesi, ac etiam Clero, & Populo, Civitatis, & Dioecesis Celsonen. pro Clero, & Populo.

Episcopi Domus, & mensa.

§. 6. Praeterea Mensa Episcopali praefata Palatium dictae Ecclesiae, sic in Cathedralium erectae contiguum pro Palatio Episcopali ad usum, & habitationem Episcopi, auctoritate, & tenore praefatis pariter perpetuo concedimus, & assignamus. Insuper Mensa Episcopali praefata pro ejus dote Abbatiam ejusdem Ecclesiae de Celsone, quae de Jurepatronatus ipsius Philippi Regis existit, quae quidem Ecclesia nuper a statu regulari Ordinis S. Augustini Canonicorum Regularium ad secularitatem redacta fuit, cujus Abbatiae fructus ad trecentos Florenos in Libris Camerae Apostolicae taxati reperiuntur, ac Prioratum S. Laurentii de Moronis Ordinis S. Benedicti Urgellen. Dioecesis Oppido Celsonen. in Civitatem, ut praefertur erecto ad quatuor circiter miliaria vicinum, & a Monasterio ad Tavernoles etiam Urgellen. Dioecesis, quod de simili Jurepatronatus ipsius Philippi Regis existit dependentem, cujus ducentorum triginta, & quatuor dignitatibus pro eorum dote Abbatiam Sanctae Mariae de Villabeltrandi Gerunden. Dioecesis praefati Ordinis S. Augustini Canonicorum Regularium, etiam nuper ad secularitatem redactam de simili Jurepatronatus existentem, ac cujus fructus in eisdem libris ad florenos similes sexcentos taxati reperiuntur, quorum tertia pars Decanatus, & reliquae duae tertiae partes aliis tribus dignitatibus aequis portionibus dividendos auctoritate, & tenore similibus etiam perpetuo assignamus, & applicamus.

Men-

Mensa Capituli.

§. 7. Mensa vero Capitulari pro duodecim Canonicatum dote omnia officia claustralia, & portiones canonicales alias in dicta Abbatia Celfonen. existentia, & nuper suppressa, quorum mille octuaginta, ac Prioratum Sanctae Mariae de Roccarosa Ordinis praefati Canonorum Regularium Gerundens. Diocesis, cuius ducentorum octuaginta duorum, ac Prioratum S. Petri de Clara ejusdem Ordinis Canonorum Regularium Barchinonen. Diocesis cuius sexaginta, ac Prioratum S. Mariae de Gualterio Ordinis S. Benedicti Urgellen. Diocesis, cuius ducentorum triginta, ac Prioratum Sanctorum Celidonis, & Ementoris de Celeris Ordinis S. Benedicti etiam Urgellen. Diocesis, cuius viginti sex, Fabrica autem, & Sacristia ipsius Ecclesiae Celfonen. pro earum dote, & onerum supportatione, Prioratum S. Mariae de Serrabona Ordinis Canonorum Regularium Elnen. Diocesis, cuius centum viginti, ac Prioratum de Castro novo dicti Ordinis Canonorum Regularium Elnen. Diocesis, cuius triginta ducatorum auri de Camera fructus, redditus, & proventus secundum communem estimationem valorem annum non excedunt, cum primum illa, vel eorum aliquod per cessum, vel decessum, aut aliam quamlibet amissionem, vel dimissionem illa obtinentium, aut alias quomodolibet, & ex quorumcumque personis vacare contigerit, cum illorum annexis, ac Juribus, & pertinentiis quibuscumque respectu iisdem auctoritate, & tenore pariter perpetuo unimus, annectimus, & incorporamus, eorumque omnium, & singulorum fructus, redditus, & proventus Episcopali, & Capitulari Mensis, ac Dignitatibus, & Canonicatibus, nec non Fabricae, & Sacristiae praefatis, & cuilibet eorum respectu etiam perpetuo applicamus, & appropriamus, ita quod liceat Episcopo, & Dignitates obtinentibus, ac Canonicis praefatis pro tempore existentibus per se, vel alium, seu alios fructus, redditus, & proventus praefatorum propria auctoritate libere percipere, exigere, & levare, ac in suos usus, & utilitatem convertere.

Regis Catholici ius praesentandi ad Episcopatum, & Dignitates.

§. 8. Et insuper eidem Philippo Regi, ejusque Successoribus pro tempore existentibus Hispaniarum Regibus Juspatronatus, & praesentandi personas tam ad dictam Ecclesiam Cathedralis Celfonen., quam ad praefatas quatuor Dignitates, quoties illas, & earum singulas perpetuis futuris temporibus simul, vel successive, quibusvis modis etiam apud Sedem Apostolicam, aut ex quorumcumque personis vacare contigerit, etiam ex tali vacatione aliqua reservatio etiam apud Sedem eandem resultaret, etiam hac prima vice Nobis, & pro tempore existentibus Romano Pontifici, itaut eodem jure ad eas, & earum quamlibet praesentare possint, quo haecenus ad Monasteria S. Mariae de Celfona, & S. Mariae Villebeltrandi dictus Philippus Rex, & ejus Antecessores praesentare potuerunt, de simili consilio, auctoritate, & tenore paribus simili-

ter perpetuo reservamus, concedimus, & assignamus: Decernentes Juspatronatus hujusmodi Philippo, & pro tempore existentibus Regibus praefatis intactum, & illatum remanere, nec ei ullo umquam tempore, quacumque ratione derogari posse: irritum quoque, & inane, si secus super his a quoquam quavis auctoritate scienter, vel ignoranter contigerit attentari.

§. 9. Non obstantibus voluntate nostra praefata, ac Lateranen. Concilii novissime celebrati uniones perpetuas, nisi in casibus a jure permixtis fieri prohibentis, & quibusvis aliis Constitutionibus Apostolicis, privilegiis quoque, indultis, & literis Apostolicis contra praemissa quomodolibet concessis, confirmatis, & innovatis: Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, & individua mentio habenda, aut aliqua alia exquisita forma ad hoc servanda foret, eorum omnium, & singulorum tenores praesentibus pro sufficienter expressis, & insertis habentes, illis alias in suo robore permanentibus, hac vice dumtaxat harum serie specialiter, & expresse derogamus, ceterisque contrariis quibuscumque. Aut si aliqui &c. generari, & quibusvis aliis &c. mentio specialis &c.

Nulli ergo &c. Datum Romae apud Sanctum Marcum Anno Incarnationis Dominicae, millesimo quingentesimo nonagesimo tertio, quarto decimo Kalendas Augusti, Pontificatus nostri Anno II.

Derogatio contrariorum

Dat. die 19. Julii 1593. An. II.

LXVII.

Confirmatio Privilegiorum Collegii Lectorum Universitatis Studii generalis Perusinae.

CLEMENS PAPA VIII.

Ad perpetuam rei memoriam.

CONFIRMATIONIS nostrae manum in his, quae per Romanos Pontifices Praedecessores nostros bonarum Artium professoribus, ut ad munera sua obeunda promptius excitentur, concessa fuerunt, libenter apponimus, ac ea, quae a Nobis, ex causis tunc apparentibus emanarunt, ne aliquod defu- per impedimentum praesent, ad pristinum statum reducimus, ac alias disponimus, prout a Nobis subditorum vota exposcunt, & Nos conspiciamus in Domino salubriter expedire.

§. 1. Sane dilecti filii Prior, & Doctores Collegii U. I. Doctores, ac Lectores Universitatis Studii generalis Civitatis nostrae Perusinae nobis nuper exponi fecerunt, quod, cum alias fel. re: Leo X. Paulus III. Pius IV. & Sixtus V. Romani Pontifices Praedecessores nostri eisdem Collegio, ac Lectoribus quamplura privilegia, facultates, concessiones, gratias, & Indulta, tam super facultate cognoscendi per ipsius Collegii Praesiden-

Proccinium.

Nonnulli Pontifices huic Collegio concessere Privilegia hic enumerata.

De Salarii augmento.

Lectores eam sibi confirmari petunt.

Clemens confirmat.

Ratione habet concessio- nem Leonis X. cognoscendi causas appellationum.

Et alia Privilegia.

fidentes causas appellationum a sententiis Vice-Legatorum, Gubernatorum, & aliorum quorumcumque ejusdem Civitatis Judicum, summam centum Ducatorum non excedentium, ac legitimandi Spurios, & Bastardos, nec non creandi Notarios, seu Tabelliones, ac assignatione stipendii, five salarii, ac illius amenti Lectoribus in dicta Universitate publice legentibus, illiusque solutione, ac distributione inter Lectores portionis, per obitum cujusque Lectoris vacantis, concesserint, ac alias, prout in singulis dictorum Praedecessorum Literis desuper confectis, plenius continetur.

§. 2. Cupiebant Prior, & Doctores, ac Lectores praefati praemissa omnia, ac singulas Literas praefatas per Nos approbari, & confirmari, ac alias desuper disponi. Quare Nobis humiliter supplicari fecerunt, quatenus eorum desiderio hujusmodi annuere, ac alias in praemissis opportune providere de benignitate Apostolica dignaremur.

§. 3. Nos negocium hujusmodi dilectis filiis nostris Dominico Sancti Grifogoni Pinello, & Benedicto S. Marcelli Justiniano, ac Hieronymo S. Pancratii Mathejo nuncupat., Titulorum Presbyteris Cardinalibus, Nobis referendum, demandavimus. Habita igitur super praemissis ab eisdem Cardinalibus informatione sufficienti, singularum Literarum praefatarum tenores etiam veriores, praesentibus pro sufficienter expressis, & insertis habentes, hujusmodi supplicationibus inclinati: In primis omnia, & singula statuta, privilegia, Constitutiones, & ordinationes Collegii V. I. D. praedicti, quorum omnium tenores, perinde ac si de verbo ad verbum infererentur, praesentibus pro expressis, & insertis haberi volumus, dummodo illa sint in usu, & sacris Canonibus non repugnent, Apostolica auctoritate, tenore praesentium, perpetuo approbamus, & confirmamus, illisque perpetuae, & inviolabilis firmitatis robur adjicimus, omnesque, & singulos, tam juris, quam facti defectus, ac alios quoscumque, si qui intervernerint in iisdem, supplemus, eaque perpetuo observari debere decernimus.

§. 4. Concessionem quoque Leonis Praedecessoris praedicti super facultate cognoscendi causas appellationum praedictas, ac Literas desuper expeditas, quatenus sint in usu, confirmamus, & approbamus, inhi- bentes Legatis, Vice Legatis, & Gubernatori- bus praefatis in virtute sanctae obedientiae, ne imposterum ipsi, vel eorum aliquis causas hujusmodi, postquam eorum dictis Praesidentibus introductae fuerint, advocare, & aliis Judicibus committere, aut quoquo modo jurisdictionem ipsam impedire valeant, seu praesumant: decernentes omnia, & singula contra praemissa acta, processus, & sententias nullius roboris, vel momenti fore, minimeque exequi posse, aut debere. Facultatem praeterea, seu privilegium legitimandi spurios, & Bastardos, nec non creandi Notarios, seu Tabelliones, ut supra per pie me: Paulum praedecessorem praedictum eidem Collegio concessum, & Literas desuper Bull. Rom. Tom. V. Par. I.

confectas, auctoritate, & tenore praemissis, juxta formam literarum ejusdem Pauli Praedecessoris, dummodo sint in usu, approbamus, & confirmamus.

§. 5. Et insuper, cum Nos alias, seu nuper ad instantiam dilectorum filiorum Sapientum dictae Universitatis per alias nostras Literas voluerimus, quod Salaria illorum, qui exemptionem ab onere legendi habent, obitu ipsorum, seu cujuslibet eorum adveniente, in Fabricam per praefatum Dominicum Cardinalem, tunc Sedis Apostolicae in dicta Civitate de Latero Legatum, olim designatam, converterentur, ac etiam duo Magistri Grammatices, cum salario centum scutorum cuilibet ipsorum annuatim integre persolvendo ex augmento per dictum Sixtum Praedecessorem eisdem Lectoribus assignato conducerentur, ac alias prout in dictis nostris Literis plenius continetur. Cumque dictum augmentum, quod erat circiter scutorum mille quingentorum, hodie, ut accepimus, magnam patitur diminutionem, ex eo quod a contributione illius Collegia, & Confraternitates Civitatis praedictae omnimodam liberationem, Monasteria vero pro dimidia parte ex quantitate ipsis imposita per dictum Sixtum Praedecessorem, a Nobis gratiam meruerunt, & ex aliis causis. Nos indemnitati Universitatis Lectorum hujusmodi consulere volentes, auctoritate, & tenore praedictis volumus, ac eisdem Universitati, & Lectoribus perpetuo concedimus, quod salaria quaecumque Doctorum, seu Lectorum exemptionem habentium, vel aliorum quorumcumque pro tempore decedentium, non in dictam Fabricam converti, sed prout antequam dictae nostrae Literae emanarent, ac juxta formam Literarum Pii Praedecessoris hujusmodi convertebantur, seu distribuebantur, & uti hactenus fieri consuevit, erogari omnino debeant. Quodque Magistri Grammatices praefati in quantitate praedicta ipsis assignata, in eo, quod dicta quantitatis augmento defuerit, patiantur, & sentiant proportionabiliter eandem diminutionem, & eodem modo, & forma, sicut patiantur, & sentiant, & hactenus quacumque causa, & occasione passi fuerunt, & imposterum patientur alii ejusdem Universitatis Lectores, & quoad hoc inter Lectores Universitatis praedictae intelligantur, & sint comprehensi, siquae, & non aliter intelligantur, & locum habeant dictae nostrae Literae, & dismembratio, seu applicatio per dictum Dominicum Cardinalem, alias dictae Civitatis Legatum ad favorem ipsorum Magistrorum facta. Quodque universa portio dimidia, quae hodie a Monasteriis, & Regularibus jam dictis remanet solvenda, in moneta argentea, nulla quatenorum parte admixta, omnino persolvatur, prout etiam in simili moneta de Paulis argenteis, & non aliter debitis temporibus persolvi volumus in manibus Depositarii ab eisdem Lectoribus deputandi, integrum salarium iisdem solvi solitum per nostrum, & Sedis Apostolicae in dicta Civitate Thesaurarium, quodque per eundem Thesaurarium

rium nunc, & pro tempore existentem ex quibuscumque redditibus, & proventibus Camera nostrae Apostolicae, & non per illius, seu ejusdem Camerae Debitores, juxta dictas Literas Pii Praedecessoris, solvatur. Et quia Libra Piscium minorum, super quibus certa ejusdem amenti rata, juxta ipsius Sixti Praedecessoris Literas assignata fuit, tunc temporis pro quinque quatenis vendebatur, licet post mutationem valoris monetae sex quatenis vendatur, & Conductores Lacus Perusini ex eodem quatenis, ut praefertur, aucto tres tantum ex quatuor partibus vere habere debent, ad hoc, ut habeant tres integros quatenos eis vere, secundum antiquam monetam, debitos, Nos reliquam quartam partem quateni praedicti ad favorem, & commodum Universitatis Lectorum praedictorum cedere omnino volumus, prout illam ex nunc eidem Universitati, & Lectoribus, auctoritate, & tenore praedictis, similiter perpetuo applicamus, & appropriamus, & quacumque exceptione, seu excusatione cessantibus, & omnino postpositis, realiter, & cum effectu perfolvi volumus, & mandamus. Postremo, quoniam nobis maxime cordi est Gymnasium Perusinum; mandamus Legatis, Vice Legatis, & Gubernatoribus Civitatis praedictae pro tempore existentibus, ut Causam Universitatis Studii, ac Lectorum praefatorum praecipue habeant commendatam, curentque quam diligentissime, ut Lectores praedicti debitis temporibus nullam in exactione suorum salariorum dilationem patiantur, & contra quoscumque solvere debentes ad effectivalem solutionem, ac satisfactionem ex puro, & mero eorum officio, nullis feriis, aut alia exceptione, & appellatione remota procedant.

§. 6. Decernentes praesentes Literas nullo umquam tempore de subreptionis, vel obreptionis vitio, seu intentionis nostrae, aut alio quocumque defectu, etiam ex eo quod interesse habentes, vel pretendentes ad hoc vocati non fuerint, vel praemissis non confecerint, aut alias notari, impugnari, invalidari, aut ad terminos juris reduci, seu in jus, vel controversiam revocari non posse: Sicque, & non aliter per ipsius Civitatis Legatum, Vice-Legatum, Gubernatorem, & alios quoscumque Judices, quavis auctoritate fungentes, nunc, & pro tempore existentes, etiam S. R. E. Cardinales, & causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definituri debere, irritum quoque, & inane quidquid seorsum super his a quoquam, quavis auctoritate, scienter, vel ignoranter contigerit attentari: districtius inhibentes dictae Civitatis etiam de Latere Legato, Vice-legato, Gubernatori, & aliis quibuscumque Judicibus, nunc, & pro tempore existentibus, ne Collegium, & Lectores praefatos super praemissis omnibus, & singulis, vel eorum aliquo, quovis pretextu, seu quaesito colore molestare, perturbare, vel inquietare audeant, seu praesumant.

§. 7. Et nihilominus Venerabili Fratrum

Executores designati.

nostro Episcopo Perusini, ac dilectis filiis Curiae Caesarum Camerae Apostolicae generali Auditori, ac dictae Civitatis Gubernatori nunc, & pro tempore existentibus, per praesentes committimus, & mandamus, quatenus ipsi, vel duo, aut unus eorum, per se, vel alium, seu alios praesentes Literas, & in eis contenta quaecumque, solemniter publicent, ac publicari, & ea omnia, & singula perpetuo observari faciant, atque procurent, nec non Thesaurarium dictae Civitatis, & alios obligatos, seu quomodolibet solvere debentes, ad solutiones praefatas faciendas cogant, & compellant, non permittentes Collegium, & Lectores hujusmodi, ac illorum singulares personas desuper a quocumque, quomodolibet molestari, perturbari, aut inquietari. Contradiutores quoslibet, & rebelles, ac praemissis non parentes per sententias, & censuras ecclesiasticas, ac etiam pecuniarias poenas, aliaque opportuna juris, & facti remedia, & appellatione postposita compescendo, invocato etiam ad hoc auxilio brachii secularis.

§. 8. Non obstantibus praedictis nostris Literis, ac ejusdem Pii Praedecessoris de gratiis interesse Camerae quomodolibet concernentibus, in eadem Camera, infra certum inibi expressum tempus, praesentandis, & registrandis, nec non praesentibus Bonifacii Papae VIII., etiam Praedecessoris nostri de una, & Concilii generalis de duabus Dietis, dummodo ultra tres Dietas aliquis auctoritate praesentium ad iudicium non trahatur, & quibusvis aliis Constitutionibus, & Ordinationibus Apostolicis, ac dictae Civitatis etiam juramento, Confirmatione Apostolica, vel quavis firmitate alia roboratis statutis, & consuetudinibus, ac omnibus illis, quae dicti Praedecessores in singulis eorum Literis praefatis voluerunt non obviare. Quibus omnibus eorum tenores, praesentibus pro expressis habentes, hac vice dumtaxat, harum serie, specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab eadem sit Sede Indultum, quod interdicti, suspendi, vel excommunicari non possint, per Literas Apostolicas non facientes plenam, & expressam, ac de verbo ad verbum de Indulto hujusmodi mentionem.

Datum Romae apud Sanctum Marcum, sub Annulo Piscatoris die 20. Julii 1593. Pontificatus nostri Anno Secundo.

Dat. die 20. Julii 1593. An. II.

LXVIII.

Confirmatio Concordiae inite inter Alexandrum Cardinalem Farnesium, & Ecclesiasticos Avenionenses, & Comitatus Venayssini super exemptione Cleri a lege spoliarii, & ratificatio Literarum Julii III., & Pii V.

Ex Regist. in Secr. Brev.

CLEMENS PAPA VIII.

Ad perpetuam rei memoriam.

Regimini universalis Ecclesiae, meritis licet imparibus, disponente Domino

Exordium.

presidentes, inter fideles quoslibet praesentim Ecclesiasticos Dei ministros, aliasque personas Ecclesiasticas, ad invicem pro tempore dissidentes pacem conciliare, concordiamque vigere, & auferri, sinceris desiderantes affectibus, illa, quae propterea processisse dicuntur, ne in recidiva contentione scrupulum relabantur, sed firma perpetuo, & illibata persistant, libenter, cum a Nobis petitur, Apostolico munimine roboramus, ipsosque Dei Ministros ab indebitis molestiis, dum id aequitas suaderet videtur, sublevamus.

§. 1. Sane Nobis nuper pro parte dilectorum filiorum Cleri, singulariumque personarum Ecclesiasticarum in nostris Civitate Avenionensi, & Comitatu Venayssino degentium expositum fuit, quod alias cum his, & causa, ac controversia primo inter bo: me: Franciscum de Claramonte S. R. E. Cardinalem, tunc in Civitate, & Comitatu praedictis Apostolicae Sedis Legatum de latere, & deinde, eo vita functo, inter similis me: Alexandrum Cardinalem de Farneseo nuncupatum praedicti Francisci Cardinalis in eadem legatione Successorem ex una, & praedictos Clerum, & personas Ecclesiasticas partibus ex altera super exactione spoliarum, personarum Ecclesiasticarum, Secularium, & Regularium hujusmodi tempore illorum obitus remanentium, quae Legati ad se ratione legationis suae spectare, & pertinere; Clerus vero, & persona Ecclesiastica praedicta se de illis, tam inter vivos, quam in ultima voluntate libere disponere, neque ipsum pro tempore existentem Legatum in illis se quomodolibet intromittere posse, vel debere, sequi in hujusmodi practica, & longissime, continuata possessione, seu quasi esse asserunt, rebusque aliis in actis causae, & causarum hujusmodi latius deductis, & illarum occasione in Romana Curia coram certo causarum Palatii Apostolici Auditore, seu Locumtenente orta fuisset, ac diversi processus super his pro ipsius negotii, & causa introductione per certos Commissarios ad id specialiter per Sedem Apostolicam deputatos in eisdem partibus facti, & ad eandem curiam transmissi, & in hujusmodi causa ad nonnullos actus, citra tamen illius conclusionem deventum fuisset. Tandem Alexander Cardinalis, & Legatus, ac Clerus praedicti ulteriores litium anfractus, labores, & dispendia vitare volentes ad certam concordiam, seu transactionem, sub tamen ejusdem Sedis beneplacito, devenerunt, per quam inter alia dictus Alexander Cardinalis liti, & causae praedictis, tam in dicta Curia, quam forsan extra eam, & alias quomodolibet pendentes in quocumque statu, & instantia reperirentur, nec non Juri, & facultati exigendi dicta spolia, tam vigore privilegiorum sibi in vim suae legationis concessorum, quam assertae diuturnae possessionis, seu quasi, nec non quarumcumque Literarum Apostolicarum a quibuscumque Romanis Pontificibus etiam a se: re: Paulo Papa III., & Julio etiam III. Praedecessoribus

Cardinali Farneseo Cause renunciatis to tale jus Clero cessit.

bus nostris in ejusdem Alexandri Cardinalis, & Legati favorem, & adversus ipsos Clerum, & personas Ecclesiasticas spolia praedicta non solventes, seu occultantes emanatarum, & alias quomodocumque competentes, & in futurum competituris: Ita quod nullo umquam tempore sibi, aut suis in eadem legatione Successoribus in hujusmodi spoliis, ac eorum collectione, & recuperatione competeret, nec Clerus, & persona praedicta, seu eorum haeredes, & Successores, ulla ratione, ad illorum exhibitionem, & praestationem cogi, & compelli possent, in favorem eorumdem Cleri, & personarum Ecclesiasticarum cessit: Clerus vero, & aliae persona praedicta summam mille scutorum eidem Alexandro Cardinali solvere, & dare promiserunt, & alias, prout in praemissis, transegerunt, convenerunt, & concordarunt. Ac demum dictus Julius Praedecessor ad ipsorum Alexandri Cardinalis, & Cleri preces concordiam, transactionem, seu conventionem praedictas, nec non, prout illas concernebant, omnia, & singula alia in Instrumentis, seu aliis scripturis desuper confectis contenta, & alia inde sequuta quaecumque licita, & honesta, ac Sacris Canonibus minime contraria, auctoritate Apostolica ex certa scientia sua confirmavit, & approbavit, ac illis perpetuae firmitatis robur adiecit, omnesque, & singulos Juris, & facti defectus, si qui forsan intervenissent in eisdem, supplevit, nec non partes praedictas ab eis quovis pretextu, seu quacumque occasione, vel causa resilire non posse, sed ad illorum totalem observationem teneri, & ad id sententias, censuras, & poenis Ecclesiasticis, ac aliis pecuniariis, invocato etiam ad hoc, si opus fuerit, auxilio brachii secularis, cogi, & compelli, nec de cetero Clerum, & personas hujusmodi ullatenus per ipsum Alexandrum Cardinalem, & Legatum, solvere in dicta legatione Successores, aut eundem Julium Praedecessorem, vel quoscumque alios Romanos Pontifices Successores suos pro tempore existentes, vel ad dictam Sedem ullo umquam tempore super exactione dictorum spoliarum quovis quaesito colore molestari, aut perturbari posse, sicque per quoscumque Judices Commissarios, etiam S. R. E. Cardinales sublata eis, & eorum cuilibet quavis aliter judicandi, & interpretandi facultate, & auctoritate judicari, & definituri debere, ac quidquid secus super his a quoquam quavis auctoritate scienter, vel ignoranter attentari contigerit, irritum, & inane decrevit, prout in Instrumento, seu instrumentis, & quibusdam Literis ipsius Julii Praedecessoris.

§. 2. Postmodum vero re: me: Pius Papa V. pariter Praedecessor noster sibi accepto, quod bo: etiam me: Carolo tit. S. Gregorii Presbytero Cardinali a Borbonio nuncupato in locum Alexandri Cardinalis, quoad legationem hujusmodi suscepto, illius Procurator Fiscalis, simul atque quispian ex d. Clero ab humanis decesserat, defuncti

Clerus autem promittit ei solvere mille scuta.

Quam Concordiam Julius Papa III. ratam habuit

Pius V. donno confirmavit, prohibens quominus Clerus a Legatis pro spoliis molestaretur.

spolia statim apprehendere, Fiscoque Legati vindicare, & appropriare, ac alias Clerum super libera facultate de bonis suis in ultima voluntate disponendi perturbare conabatur, in magnum Cleri praedictum, & Populi Avenionen. scandalum, eidemque Pio Praedecessori pro parte Cleri, & personarum praedictarum supplicato, ut in praemissis providere dignaretur, dictus Pius Praedecessor Concordiam, Instrumentum, ac decretum dicti Julii III., quo ad spolia Cleri non exigenda, literasque, & inde sequuta hujusmodi quaecumque Apostolica auctoritate confirmavit, & approbavit, ac ipsos Clerum, & personas ecclesiasticas per Carolum Cardinalem, & pro tempore existentes Legatos super spoliis hujusmodi de cetero molestari non debere, decrevit, aliaque in his necessaria fecit, & ordinavit, prout in suis desuper confectis literis respective plenius continetur.

§.3. Cum autem, sicut exhibita Nobis nuper pro parte eorundem Cleri, & personarum Ecclesiasticarum petitio continebat, ipsi cupiant concordiam, literas, & alia praemissa per Sedem Apostolicam confirmari, & approbari, Nobisque humiliter supplicari fecerint, quatenus pro firmiori illorum substantia robur nostrae confirmationis similiter adicere, aliasque in praemissis opportune providere de benignitate Apostolica dignaremur.

§.4. Nos igitur Clerum, & singulares eius, aliasque personas praedictas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, ac instrumentorum, literarum, & aliorum praedictorum, ac inde sequutorum quorumcumque tenores, nec non litas, seu litium, & causarum quarumcumque super praemissis, aut eorum occasione ubilibet pendendum status, & merita aliorumque hic etc., forsitan de necessitate exprimendorum tenores, praesentibus pro sufficienter expressis habentes, hujusmodi supplicationibus inclinati, Concordiam, Instrumentum, Decretumque Julii Praedecessoris quoad spolia Cleri non exigenda in Civitate Avenionen., & Comitatu Venaisino nostris dumtaxat consistentia, ac in aliis locis Legationi praedictae subjectis, ac singulas literas praedictas, nec non omnia, & singula in illis contenta, & inde sequuta quaecumque Apostolica auctoritate tenore praesentium perpetuo confirmamus, & approbamus, ac illis perpetuae, & inviolabilis Apostolicae firmitatis robur adicimus, omnesque, & singulos Juris, & facti, ac solemnitatum etiam substantialium defectus, si qui forsitan intervenerint in eisdem, supplemus.

§.5. Ac confirmationem, approbationem, adjectionem, suppletionem, aliaque praemissa, ac praesentes literas nullo um-

quam tempore etiam ad cujuscumque Legati instantiam ex quacumque causa revocari, alterari, limitari, aut derogari, seu de subreptionis, vel obreptionis, aut nullitatis vitio, seu intentionis nostrae, aut alio quopiam defectu notari posse, sed illa valida, & efficacia fore, suosque plenarios effectus sortiri, & inviolabiliter observari: sicque per quoscumque Judices, & Commissarios, quavis auctoritate fungentes, etiam S.R.E. Cardinales sublata eis, & eorum cui-libet quavis aliter judicandi, & interpretandi facultate, & auctoritate judicari, & desiniri debere, ac quid quid secus super his a quoquam quavis auctoritate scienter, vel ignoranter attentari contigerit, irritum, & inane decernimus.

§.6. Quocirca dilectis filiis Curiae causarum Camera Apostolica generali Auditori Abbati S. Andreae status Avenionen., & Officiali Auraisien. per praesentes committimus, & mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, & quando opus fuerit, ac quoties pro parte Cleri, & personarum, suorumque heredum, successorum, aut ab eis habentium praedictorum causam, vel alicujus eorum fuerint requisiti, solemniter publicantes, ac illis in praemissis efficacis defensionis praesidio assistentes, faciant auctoritate nostra illos, eorumque singulos confirmatione, approbatione, adjectione, suppletionem, inhibitionem, Decreto, aliisque praemissis juxta praesentium tenorem pacifice frui, & gaudere: non permittent eos, vel eorum aliquem desuper per ipsos Legatum, Vice-Legatum, Procuratorem Fiscalem, seu alios quoscumque quomodolibet indebitum molestari, perturbari, aut inquietari, contradicere quoslibet, & rebelles censuris, & poenis, aliisque opportunis juris remediis eadem auctoritate nostra appellatione postposita, compescendo, ac legitimis super his habendis, servatis processibus illas censuras, & poenas hujusmodi incurrisse declarando, ipsasque censuras, & poenas, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.7. Non obstantibus praemissis, ac fel. rec. Bonifacii Papae VIII. etiam Praedecessoris nostri de una, vel Concilii generalis de duabus dietis, dummodo quis auctoritate praesentium ultra tres Dietas ad Judicium non trahatur, aliisque Constitutionibus, & Ordinationibus Apostolicis, ac etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis pro tempore existentibus, Legato, Vice-Legato, & quibusvis aliis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis, etiam iteratis vicibus in genere, vel in specie, ac alias quomodolibet

Executores deputat.

Obstantia tollit.

Clerus ea omnia rata haberi petit a Clemente.

Clemens quoque confirmat.

Sicque in perpetuum jubet observari.

bet concessis, approbatis, vel innovatis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, praesentibus pro sufficienter expressis, & insertis habentes, illis alias in suo robore permanentibus, hac vice dumtaxat harum serie specialiter, & expresse derogamus, contrariis quibuscumque. Aut si Legato, & Vice-Legato praesentis, vel quibusvis aliis communiter, vel divisim ab eadem sit Sede indultum, quod interdicti, suspendendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romae apud S. Marcum sub Anno Piscatoris die 24. Julii 1593. Pontificatus nostri Anno II.

LXIX.

Regularibus totius Ducatus Ferrariae prohibetur accessus ad Monasteria Monialium etiam si ipsi subiecta sint, exceptis tantum Confessario, & Visitatore, quibus accedere permittitur in casibus ad eorum munus spectantibus.

CLEMENS PAPA VIII.

Ad perpetuam rei memoriam.

Exordium a Clausura per Moniales servanda petitio. Anfrimoniales, quae Mundi abiectionis illaebris, Christo Jesu Animarum earundem Sponsa, perpetuo voto, se dicant, quo sanctiorem Altissimo valeant famulatum exhibere, debitum, inviolatumque clausurae modum servare decet: Nosque id ipsum, pro nostri muneris debito, sedulo curare tenemur.

§.1. Motu igitur proprio, & ex certa nostra scientia fel. rec. Sixti Papae V. Praedecessoris nostri vestigiis inherentes, hac nostra perpetuo valitura Constitutione statuimus, & ordinamus, ut posthac quicumque Regulares, quorumvis etiam Mendicantium Ordinum ad Monasteria Monialium cujuslibet Ordinis, Civitatum, Terrarum, & Locorum quorumcumque ditionis dilecti filii nobilis viri Alphonso Ferrariensis Ducis, etiam si illarum curam gerant, & eorum jurisdictioni sint subiecti, accedere minime possint, nisi tantummodo illarum Confessarius, & Superior, seu Visitator Ordinis cum uno socio provectae aetatis, hique clausuram Monasteriorum intra clausuram visitatio, ingredi pariter non valeant, ac praedicti Confessarius, Superior, & Visitator teneantur pro omni, & quocum-

que excessu, seu delicto, si quem, vel quod dictus socius perpetraverit: quodque Confessarii deputentur ii, qui aetate, ac moribus sint probati, ac ordinariorum ab eorum Superioribus, extraordinariorum vero Confessariis hujusmodi, a pro tempore existentibus Episcopis Civitatum temporalis ditionis hujusmodi, seu eorum in spiritualibus Vicariis generalibus approbatio fieri debeat, ac Superior, & Confessarius praedicti non possint accedere ad aliud Monasterium, praeterquam ad illud, cujus curam habent, & ad ipsam etiam non accedant, nisi pro sui officii munere, & eius executione, & occurrentibus casibus, & necessitatibus Monialium, & Monasteriorum eorundem: Confessarius vero quotidie pro celebratione Missarum, & administratione ecclesiasticorum Sacramentorum, nec secum adducat nisi unum socium. Moniales autem Regularibus praedictis munera aliqua dare, nec ipsi Regulares illa recipere nequeant. Liceat tamen ipsis Monialibus coram Episcopis, seu Vicariis praedictis querelas, si quas habent, contra dictos eorum Visitatorem, & Superiorem super concernentibus clausuram interiorum, & exteriorum, sine aliquo censurarum incurso proponere. Quocirca omnibus, & singulis Regularibus, & Monialibus praedictis sub penis arbitrio praedictorum Episcoporum pro modo culpa imponendis districtius inhibemus, ne praemissis aliquo modo contravenire audeant, vel praesumant.

§.2. Non obstantibus Constitutionibus, & Ordinationibus Apostolicis, ac Monasteriorum, & Ordinum eorundem juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, ac literis Apostolicis Monasteriis, & Ordinibus praedictis, illorumque Superioribus, & personis per quoscumque Romanos Pontifices Praedecessores nostros, ac Nos, & Sedem Apostolicam, etiam motu, & scientia similibus, ac de Apostolica potestate plenitudine, & cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, ac alias quomodolibet etiam pluries approbatis, confirmatis, & innovatis. Quibus omnibus, & singulis, etiam si in eis caveatur expresse, quod illis nullatenus, aut non nisi sub certis modo, & forma in illis expressis, derogari possit, ac pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales idem importantes mentio habenda, seu aliqua alia exquisita forma ad hoc servanda foret, tenores hujusmodi, ac si ad verbum, nihil penitus omisso, ac servata illorum forma, insererentur, praesentibus pro expressis habentes, illis alias in suo robore permanentibus, hac vice dumtaxat, specialiter, & expresse derogamus, ceterisque contrariis quibuscumque.

§.3. Volumus autem, quod praemissa om-

Derogatio contrarium

Praesentes Superioribus